

UMS-UniMAP meterai kerjasama kongsi kepakaran bidang pertanian dan agroteknologi

UB 02.04.2023 P.02

SANDAKAN: Sesi menandatangani surat niat (LoI) antara Universiti Malaysia Sabah (UMS) dan Universiti Malaysia Perlis (UniMAP) di Fakulti Pertanian Lestari (FPL), UMS Sandakan, bakal menyaksikan perkongsian kepakaran dalam bidang pertanian dan agroteknologi.

Naib Canselor UMS, Profesor Datuk Dr. Kasim Hj. Mansor, berkata bidang pertanian memainkan peranan penting dengan memastikan ketersediaan dan kecukupan makanan agar berada di tahap selamat sejajar isu sekuriti makanan.

“Kepakaran penyelidik di Fakulti Pertanian Lestari akan sentiasa dipergiat untuk memikirkan strategi dan inovasi baharu bagi membantu pengusaha tani meningkatkan hasil pengeluaran, seterusnya meningkatkan sekuriti makanan negara.

“Diharapkan dengan adanya peluang dan kerjasama dengan UniMAP, kita akan maju setapak ke hadapan dengan mengadakan Perjanjian Persefahaman (MoA) antara kedua-dua



KERJASAMA: Kasim (kiri) bertukar dokumen LoI dengan Zaliman disaksikan Raja Muda Perlis.

universiti, maka segala kepakaran dari kedua-dua pihak dapat dikongsi bersama,” katanya semasa berucap dalam Program Titian Kasih 2023 di FPL baru-baru ini.

Pada sesi menandatangani LoI tersebut, UMS diwakili oleh Datuk Kasim sementara UniMAP pula diwakili Naib Canselornya, Profesor Dato’ Ts. Dr. Zaliman bin Sauli.

Raja Muda Perlis, Tuanku Syed Faizuddin Putra Ibnu Tuanku Syed Sirajuddin Jamalullail yang juga mer-

angkap Canselor UniMAP turut berkenan menyaksikan sesi menandatangani LoI tersebut.

“UniMAP yang terkenal dengan bidang teknologi kejuruteraan, diharapkan dapat membantu UMS dalam meningkatkan kepakaran kejuruteraan, mungkin dari segi teknologi pertanian, pembajaan, penanaman dan bermacam lagi yang melibatkan kejuruteraan mekanikal.

“Melalui kolaboratif dan

semangat yang tinggi seperti ini antara UniMAP dan UMS, segala visi dan misi yang telah ditetapkan mampu direalisasikan.

“UMS dan UniMAP ber-setuju membangunkan kerjasama dalam projek penyelidikan, penerbitan dan pembangunan akademik,” katanya.

Turut hadir Menteri Besar Perlis, Mohd Shukri bin Ramli dan Ahli Majlis Mesyuarat Kerajaan Negeri Perlis, Izizam bin Ibrahim.